



Inatsisinut Ataatsimiititaliaq
/MAANI

Nalunaaquttap aalajangersarneqarnera pillugu oqaluuserisassani immikkoortunut 85-imut aamma 104-mut tunngatillugit Inatsisinut Ataatsimiititaliamit apeqqutinut akissuteqaatit

06-03-2026
Suliap normua 2025 - 19766
All. normua. 26178103

Inatsisinut Ataatsimiititaliaq oqaluuserisassani immikkoortut UKA2025/85-ip aamma UKA2025/104-p suliarineqarnerannut atatillugu ulloq 23. januar 2026 allakkatigut Naalakkersuisunut sisamanik apeqquteqarsimavoq.

Postboks 1015
3900 Nuuk
Oq. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutit uannit akisassanngorlugit innersuunneqarput.

1. Nalunaaquttap ingerlaaqatigiiffianut UTC-3-mut ikaarsaariartoqarnissaanik siunnersuut 2027-mi atuutsinneqalernissaanik Inatsisartut aalajangiissappata Naalakkersuisut qanoq piareersarniarpat?

Akissut:

Nalunaaquttap ingerlaaqatigiiffianit UTC-2-miit UTC-3-mut allanngortitsisoqarneratigut ullaakkut/ullup-qeqqata siornatigut ullup qaamarnga 1 tiimimik sivisunerusalissaaq aamma ualikkut/unnukkut ullup qaamarnga 1 tiimimik sivikinnerusalissalluni.

2023-mi marsip qaammataani UTC-3-miit UTC-2-mut allanngortitsisoqarmat, aasarnernut atatillugu UTC-3-miit UTC-2-mut ikaarsaariartoqarneranut atatillugu nalunaaquttap ingerlaaqatigiiffianut nutaamut qajassuussilluni ikaarsaariartoqarsinnaasimavoq. Maanna UTC-2-miit UTC-3-mut ikaarsaariartoqarnissaani taamatut qajassuussilluni ikaarsaariartoqarsinnaanngilaq. Ikaarsaariarnerli oktobarip qaammataani sapaatip kingulliup kingorna aamma marsip qaammataani sapaatip kingulliup siorna pisariaqarpoq, tassa innuttaasut eqqarsaatigalugit Kalaallit Nunaata nalunaaquttap ingerlaaqatigiiffiani UTC-2-miinnerata nalaaniinnerani sapinngisamik pitsaanerpaamik qajassuussiniarluni.

Nalunaaquttap ingerlaaqatigiiffianit UTC-3-miit UTC-2-mut allannguinnermi kalaallit europamiullu suliffeqarfiinut aamma oqartussat suleqatigiinnerannut akornusiisoqassaaq, pineqartut piffissaaq suleqatigiiffisartagaat akunnermik ataatsimik sivikillissuussamat. Taamaammat taamatut allannguinnissap akuersissutigineqarnerata malitsigisaanik suliffeqarfiit pisortallu pineqartut piffissat suliffisartagaasa nikisinneqarnissaat annertuumik pisariaqartinneqassaaq.

Naalakkersuisut piffissat suliffiusussat, ataatsimiittoqarnissaanut pilersaarusiortarnerit kiffartuussinissamillu isumaqatigiissutit suleqatigisartakkatsinnut isumaqatigiissutaasimasut qitiusumik allaffeqarfimmi aaqqissuutsinnerisigut

kinguneqaataasinnaasut ilaannik pinngitsoortitsiniarsinnaapput.

Naalackersuisut tamatuma saniatigut allannguutaasusaaq piareersarniarpaat, IT-systemit nutarsarnerisigut, allannguutaasoq nunani tamalaani kattuffinnut nalunaarutigalu kiisalu kiffartuussinissamik isumaqatigiissutit aamma missingersuusiat il. allanngortinneqartut akuerlugit.

2. Inatsisartut aasaanerani nalunaaquttap 2027-miit atorunnaarsinneqarnissaannik aalajangiissappata Naalackersuisut qanoq piareersaateqarniarpat?

Akissut:

Inatsisissatut siunnersuutaasut marluusut Kalaallit Nunanni nalunaaquttap ingerlaaqatigiiffiata UTC-2-miit UTC-3-mut allanngortinneqarnissaa kiisalu aasaanerani nalunaaqutarineqartartup atorunnaarsinneqarnissaa pillugit siunnersuutinik imaqarput.

Aasaanerani nalunaaqutaq atorunnaarsinneqarpat Kalaallit Nunaata Europamilu nunat suleqatigisartakkat akornanni piffissaq nikinganerulissaaq. Tamanna tunngavigalugu EU-mi aasaanerani nalunaaquttamik atuisoqartillugu Kalaallit Nunaanni aasaanerani nalunaaquttamik atuisoqartassasoq Naalackersuisut naapertuunnerpaasutut maannamut isigivaat. Aasaanerani assersuutigalugu Københavnimi Bruxellesimilu inuussutissarsiuteqartut oqartussallu suleqatigisartagaat UTC+1-imiit UTC+2-mut nuuttarput.

Kalaallit Nunaanni aasaanerani nalunaaquttamik atorunnaarsitsisoqassappat, nalunaaquttalli ingerlaaqatigiiffiani UTC-2-miiginnartoqarluni, taava Kalaallit Nunaanni ullup qaamarngata aamma Kalaallit Nunaata Europamilu suleqatigisartakkatta akornanni piffissap suliffiusartup nikingassutaa oktobarip qaammataani sapaammi kingullermiit marsip qaammataani sapaammi siulliup tungaanut allannguuteqassanngilaq. Atorunnaarsitsineq taamaammat piffissami pineqartumi malunnaatilimmik kinguneqaateqassanngitsoq naatsorsuutigineqarpoq. Aasaanerani ullaakkut/ullup-qeqqata siorna qaamaneq 1 tiimimik sivilinnerusalissaaq aamma ualikkut/unnukkut qaamaneq 1 tiimimik sivilinnerusalarluni. Tamatuma saniatigut Kalaallit Nunaata EU-milu suleqatigisartakkatta amerlanerit akornanni piffissaq 4 tiiminik nikingassuteqalissaaq, taamalu piffissaq suleqatigiiffiusartoq 1 tiimimik sivilkillissalluni.

Allannguinerup aasaaneranut kinguneqaatissaanut tunngatillugit apeqqut 1-imut akissutigineqartut Naalackersuisunit innersuussutigineqarput.

Kalaallit Nunaanni aasaanerani nalunaaquttamik atorunnaarsitsisoqassappat, nalunaaquttallu ingerlaaqatigiiffianut UTC-3-mut allannguisoqarluni, taava oktobarip qaammataani sapaammi kingullermiit marsip qaammataani sapaatip siulliup tungaanut ullup qaamarnga ullaakkut/ullup-qeqqata siorna 1 tiimimik sivilinnerulissaaq aamma ualikkut/unnukkut 1 tiimimik sivilinnerulerluni. Tamatuma saniatigut piffissami pineqartumi Kalaallit Nunaata Europamilu suleqatigisartakkatta amerlanerit akornanni piffissaq suliffiusartoq 4 tiiminik nikingassuteqalissaaq. Tamatuma malitsigisaanik piffissaq suleqatigiiffiusartoq 1 tiimimik sivilinnerulissaaq. Akerlianik aasaanerani ullaakkut/ullup-qeqqata siorna qaamaneq 2 tiiminik sivilinnerusalissaaq aamma ualikkut/unnukkut qaamaneq 2 tiiminik sivilinnerusalarluni. Tamatuma saniatigut

Kalaallit Nunaata EU-milu suleqatigisartakkatta amerlanerit akornanni piffissaq suliffiusartog 5 tiiminik nikingassuteqalissaaq. Tamatuma malitsigisaanik piffissaq suleqatigiiffiusartog 2 tiiminik sivikinnerulissaaq.

Allannguinerit kinguneqaatissaannut tunngatillugit apeqqut 1-imut akissuteqaat Naalakkersuisut innersuussutigaat, EU-lli aasaanerani nalunaaquttamik atuiuartillugu kinguneqaataasussat ajornerulersinnaaneri erseqqissaassutigalugu.

Erseqqissaassutigineqarpoq, sumiiffinni aalajangersimasuni UTC-3-unngitsumik nalunaaquttalli ingerlaaqatigiiffiiniq allanik atuinissamik aalajangersaasoqassappat kinguneqaatissat nikerarsinnaanerat, tak. piginnaatitsissutitut aalajangersakkat inatsisissatut siunnersuutini marluusuni allassimasut.

3. Aasaanerani nalunaaquttap atorunnaarsinneqarnera sunik iluaqutissartaqarlunilu ajoqutissartaqarpa?

Akissut:

Naalakkersuisut pingaarnertut nalunaaquttamik aalajangersaanermut inatsiserput patajaatsuussasoq isumaqarput. Inatsisitigut ukiut arlaqanngitsut qaangiummata innuttaasut, inuussutissarsiortut aamma nunani tamalaani suleqatigisavut malittarisassat oqallisigineqaaqqissaareerlutik tamakkiisumillu isumaqatigiittoqareersoq Inatsisartunit akuerineqartut malissagaat piumaffigineqarput. Taamanili aalajangiussa q nutaaq pillugu maanna nalornissuteqartoqalernermut avissaartuuttoqalernermullu tunngaviliisinnaasumik takkuttoqarsimangilaq.

Naalakkersuisut isumaqarputtaaq tusarniaanermut akissutit siunnersuuteqartup nammineq piniarsimasai erseqqilluinnartumik oqariartuuteqartut. Kalaallit Nunaanni Sulisitsisunit tusarniaanermut akissummut ernumassuteqarnermik allakkat ilanngunneqarsimapput, allaqqasut suliffippassuit kattuffiillu sinniisuunit taperserneqarput aamma nunami maani namminersorlutik qitiusumik ingerlataqartorpassuarnit: Takornariaqarnermik ingerlatsisut unnuisarfille, sanaartornermut suliaasaqarfik sanasullu, aningaaseriviit kukkunersiuisullu, aalisarneq niuernerlu allarpassuillu. SIK nalunaaquttap ingerlaaqatigiiffiata akunnermik ataatsimik kinguartinnissaanut akerliunerminik nalunaaruteqarsimavoq. Kalaallit Nunaanni Timersoqatigiit Kattuffiata Kalaallit Nunaata 2030-mi nunani timersorfiunerpaanissaanut takorluukkaminut ernummateqarnini oqaatigisimavaa, nalunaaquttap ingerlaaqatigiiffia kinguarateqqinneqarpat silami timersornissamat tiimimik ataatsimik amigaateqartoqalertussaamat.

Aningaasaqarnermut Akileraartarnermullu Naalakkersuisoqarfik Nunatta Karsianut aningaasartuutit inuiaqatigiillu aningaasaqarneranut kingunerluutit pisariaqanngitsut pillugit mianersoqqusivoq. Ineqarnermut, Attaveqaasersuutitut Isorliunerusunullu Naalakkersuisoqarfiup allannguutissatut siunnersuutit nunatsinni nalunaaquttap ingerlaaqatigiiffiitut sisamanut assigiinngitsunut aggulunneqarnissaata mianersoqqutigaa, piffissap suliffiusup iluani attaveqaqatigiittarnermut suleqatigiinnermilu periarfissanut kinguneqaateqarsinnaamat. Innuttaasut timmisartuussinerit ikinnerunissaat billetillu akisunerulernissaat naatsorsuutigissavaat. Air Greenlandip kiisalu Greenland Airportsip tusarniaanermi akissutiminni ajornartorsiutit taakku sukumiisumik nassuiarpaat. Taakku saniatigut piffissaq sivikitsoq atorlugu

silannakkut assartugassanik, tassunga ilanngullugit aalisarnermi pingaarnertut tunisassianik pingaarutilinnik avammut tunisinermit tamanna kinguneqarsinnaavoq.

Peqqissutsimut Inunnullu Innarluutilinnut Naalakkersuisoqarfiup taamatullu peqqinnissaq pillugu kattuffiit napparsimasut Danmarkimi nunanilu allani napparsimaviit, suliamut immikkut ilisimasallit laboratorially qanimut suleqatigalugit katsorsarneqartartut amerliartuinnarnerat eqqaasitsissutigaa. Napparsimasunik taakkunanga katsorsaasarnermi peqqinnissaqarfimmi piffissat suliffiusut Islandimit Europamiillu nikingangaannginnerat iluaqutigineqaaq. Peqqissutsimut inunnullu Innarluutilinnut Naalakkersuisoqarfiup oqaatigaa, Danmarkimi peqqinnissaqarfillu piffissaq ataatsimut atorineqartartoq akunnermik ataatsimik sivikillineqaruni, napparsimasut 1.200-t ukiumut ataasiarlutik imaluunniit arlaleriarlutik nakorsartittartut misissortinneqarnerinut, nakorsartinneqarnerinullu atatillugu isumagisassat aaqquissuunneqarnissaannut periarfissamat tamanna annikillisisassasoq, soorluttaaq napparsimasut Kalaallit Nunaanniittut pillugit Danmarkimi immikkut ilisimasaqarlutik immikkoortortaqaqarfinit siunnersortinneqarnissamat periarfissaq annikillissasoq. Taamatuttaaq isumaginnittoqarfimmut suliasaqaqarfinnullu annertuumik suleqatigiiffiusunut allanut tamanna atuuppoq. Tamanna suliffeqarfinnut, kattuffinnut, pisortanut innuttaasunullu nalinginnaasunut annertuumik paasineqarsinnaasumillu ernummatigineqarpoq.

Tamakku tamarmik ullup unnuallu ingerlasarneranik nikisitsinermi peqqissutsimut qanorlu innermut kinguneqaatigisinnaasaat innuttaasorpasuumut ernumatitsipput. Tassunga atatillugu Nunatta Nakorsaanerata qularnaatumik inerniliinissamik ajornartorsiuteqaraluarluni piffissamik allannguinerup peqqissutsimut sunniutigisinnaasai il.il. annikitsutut imaluunniit sunniuteqanngitsussatut isiginninnera Naalakkersuisunit tunngavigineqarput.

Naalakkersuisut tamatumani ataatsimoorlutik isumaqarput, nalunaaquttap ingerlaaqatigiiffia maanna atuuttoq inatsimmi iluaqutissaasut ajoqutaasinnaasunit amerlanerusut, aamma aasaanerani nalunaaquttap atorunnaarsinneqarnissaanut atatillugu EU-mi tunngaviumik aalajangiisoqarnissaata utaqqimaarneqarnissaa iluaqutaassasoq.

4. Nalunaaquttap ingerlaaqatigiiffianut UTC-3-mut ikaarsaariartoqarnissaanik siunnersuut Inatsisartunit akuerineqassappat, aningaasaqarnermut atatillugu piareersaatnik sorlernik Naalakkersuisut aallartitsiniarpat?

Akissut:

Nalunaaquttap ingerlaaqatigiiffia UTC-3-miit UTC-2-mut 2023-mi allanngortinneqarmat, tamanna inuussutissarsiuteqartut aningaasaqarnerannut siunissamat ungasinnerusumut ajortumik kinguneqassanngitsaq Naalakkersuisut nalilersimavaat. Inuussutissarsiuteqartut tusarniaanermut akissutaat tunngavigalugit naatsorsuutigineqarpoq, nalunaaquttap ingerlaaqatigiiffiata allanngortinneqarnera inuussutissarsiuteqartunut pitsaasumik kinguneqassasoq.

Inatsisissatut siunnersuummut tusarniaanermut akissutitigut uppersarnerneqarpoq, UTC-2-mut allannguneq inuussutissarsiortunut pitsaasumik kinguneqarsimasoq.

Taamaammat inatsisissatut siunnersuutit tusarniutigineqarnerini Aningaasaqarnermut Akileraartarnermullu Naalackersuisoqarfimmit kiisalu inuussutissarsiuteqartunit arlalinnit akissutini takuneqarsinnaavoq, kalaallit aamma europami kattuffiit, suliffeqarfiit oqartussallu akornanni suleqatigiinnerup ajornarnerulersinneqarneratigut allannguut inuiaqatigiit aningaasaqarnerannut ajortumik kinguneqassanngitsoq. Tamatuma saniatigut Air Greenlandimit aamma Visit Greenlandimit tusarniaanermut akissutini oqaatigineqarpoq, UTC-2-mut allannguneq takornariartitsisartut aningaasaqarnerannut pitsaasumik sunniuteqarsimasoq. Aalisarnermut, Piniarnermut, Nunalerinermullu Naalackersuisoqarfiup aamma paasissutissiisutigaa, aalisakkanik tunisassianik uumasunik avammut tunisisarneq annertusiartortoq takuneqarsinnaasoq, Kalaallit Nunaatalu europami niuerfinnut piffissatigut qaninnerutillugu tamanna pilerinarnerulluni.

Ataatsimiititaliap apeqquaqatai tunuliaqutaralugit Naalackersuisut Siulittaasuata Naalackersuisoqarfiata Aningaasaqarnermut Akileraartarnermullu Naalackersuisoqarfik qinnuigaa, nalunaaquttap ingerlaqatigiiffiata allanngortinneqarnissaanut siunnersuutigineqartut pillugit nunap aningaasaqarneratigut naliliissasoq. Aningaasaqarnermut Akileraartarnermullu Naalackersuisoqarfiup akissutaa kiisalu ilanngussat tassunga atasut akissummut uunga ilanngunneqarput (Ilanngussaq 1).

AIS2027-mut atatillugu Aningaasaqarnermut Akileraartarnermullu Naalackersuisoqarfiup nalilerpaa, UTC-3-mut ikaarsarneq aningaasartuuteqarfiussanngitsutut isigineqarsinnaanngitsoq. 2027-mi ataasiartumik aningaasartuuteqarnissaq kiisalu isertitat ataavartumik appassasut naatsorsuutigineqartariaqarpoq. Tamanna tunuliaqutaraugu Aningaasaqarnermut Akileraartarnermullu Naalackersuisoqarfiup nalilerpaa, ataatsimut isigalugu UTC-2-miiginnaraanni tamanna innuttaasunut, inuussutissarsiortunut, pisortanullu aningaasartuutikinnerpaasitsissasoq, aalajaannerusassoq, siumullu nalunangereernerusassoq.

Ukiumi atortuulersinneqarfiani Nunap Karsianit (AIS2027) ataasiartumik aningaasartuutissat 10–15 mio. koruuninut missiliorneqarput. Taassuma saniatigut isertitat annikinnerusumik apparnerisigut (4 mio. koruunit missaannik) kiisalu Namminersorlutik Oqartussat ingerlatseqatigiiffiutaannit, pingaartumik Air Greenlandimit pissarsianit akiliinerit ikileratarsinnaanerisigut, missingersuutinut ataavartumik ukiumut 15-20 mio. koruunit missaannik sunniuteqarnerlussaaq.

Tusarniaanermi akissutigineqartut, aningaasatigut kingunissaattut taakkartorneqartut malillugit inuiaqatigiit aningaasaqarnerinut ukiumut 80–100 mio. koruuninik sunniuteqarnerlussaaq, pingaartumik silaannakkut angallanneq, takornarialerineq, europamilu suleqatigisanik ataqatigiissaarinerup annikillineranut atatillugu.

Soqutigisalinnit paasissutissat takuneqarsinnaasut, immikkoortortat akissutaat kiisalu illup iluani naliliinerit aallaavigalugit aningaasat sulineri qeqqatigut missiliuutaapput. Kingunissaanut imatut najoqqutassiortoqanngilaq imaluunniit oqimaatigiissitsisineq pillugu naatsorsuusiortoqarani. Tamanna pillugu missiliuinerit missiliuinertut isigineqassapput. Tamanna pillugu sunniutit qaffasissusaannut, qanorlu sivilisutigisumik sunniutaassanersut annertuumik nalorninartoqarpoq.

Taamaakkaluartoq ataatsimut isigalugu Aningaasaqarnermut Akileraartarnermullu Naalackersuisoqarfiup aningaasaqarnermut politikkitigut nalilerpaa, UTC-3-mut 2027-mit ikaarsarneq tulliuttunik kinguneqassasoq:

- 2027-mi ataasiartumik aningaasartuuteqarneq: 14,5 mio. koruunit missaat (10–18 mio. koruunit akornanni)
- Aningaasanut inatsimmut ukiumut ataavartumik sunniuteqarnerlunneq: 19 mio. koruunit missaat
- Ukiuni tallimani amerliartortitamik missingsuutitut sunniutit (2027–2031): –110 mio. koruunit missaat.

Taamaalilluni allannguut Nunap Karsianut ataavartumik sunniuteqarnerlussaaq.

Siuliani allassimasut tunuliaqutaralugit, allannguummut atatillugu aningaasatigut kinguneqarsinnaanera Naalakkersuisut sillimaffigissavaat.

Inussiarnersumik inuulluaqqusillunga



Jens-Frederik Nielsen
Naalakkersuisut Siulittaasuat



Ilanngussaq 1b

Inatsiseqarnermut Immikkoortortaq
Naalakkersuisut Siulittaasuata Naalakkersuisoqarfia

Att.: [REDACTED]
nsninatsit@nanoq.gl

AAN 2026 UTC-2-mit UTC-3-mut allannguisoqassagaluarpat taassumap aningaasatigut kingunissaanik naatsorsueqquneqarnermut Aningaasaqarnermit akissut

Brevdato: 23-02-2026
Sagsnr. 2026 - 2664
Akt id. 26264033
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aningaasaqarnermut Akileraartarnermullu Naalakkersuisoqarfik (AAN) 2026-mi februaarip 18-iani mailerutigineqartumut qujavoq. Mailimi naalakkersuisoqarfik qinnuigineqarpoq, nalunaaquttap ingiaqatigiiffiata siunnersuutigineqartut allanngortinnerani nunami aningaasaqarnermut kingunissai pillugit ersarinnerusumik naliliissasoq. Tamanna naapertorlugu allakkiaq manna nassinneqarpoq. Paatsoortoqannginnissaa pillugu AAN-ip erseqqissaatigissavaa, taamatut naatsorsuinerit tunngaviusumik annertuumik pisariusarmata, tunngavippaaluillu aamma nangaassuterpaaluit tunngavigineqartariaqartarlutik, makkulu paasissutissiissutigineqarsinnaallutik.

Eqikkaaneq. Aningaasaqarnermut politikikkut tamarmiusumik naliliineq. UTC-3-mut 2027-mit ikaarsarneq tulliuuttunik kinguneqassaaq:

- **2027-mi ataasiartumik aningaasartuuteqarneq: 14,5 mio. koruunit missaat (10–18 mio. koruunit akornanni)**
- **Aningaasanut inatsimmut ukiumut ataavartumik sunniuteqarnerlunneq: 19 mio. koruunit missaat**
- **Ukiuni tallimani amerliartortitamik missingersuutitut sunniutit (2027–2031): –110 mio. koruunit missaat**

Taamaalilluni allannguut Nunap Karsianut ataavartumik sunniuteqarnerlussaaq.

Peqqissaarutamik nangaassuteqarneq

Kisitsisit taaneqartut annertuumik nalorninartortaqaqput. Soqutigisaqartut paasissutissaannik, immikkoortortat naliligallarnerinik kiisalu naalakkersuisoqarfiup nammineq naliliineranik naatsorsuutit aallaaveqarput. Mikroøkonomi pillugu annikitsortai ilanngullugit naatsorsuuteqanngilaq, imaluunniit pissutsinut tamakkiisumik uppernarsakkamik najoqqutassaqaanngilaq.

Tamanna pillugu tunngavissaasut tunngavigalugit missiliuinerit missiliuinerit, qeqqanullu missiliuussinertut paasineqassapput. Sunniutissaviani suliffeqarfanni naleqqussaanerit kiisalu nalinginnaasumik akit nikerarnerat apeqqutaassapput.

Artortuulersitsinissami aningaasartuutissat, ataqatigiissaarinermilu annaasaqaataasussat minnaarlugit nalilerneqakkajuttarmata, nalornineq oqimaaqatigiinngitsoq nalilerneqarpoq.

AAN isumaqarpoq, tusarniaanermi akissutigineqartut annerusumik takutikkaat, massakkut nalunaaquttap ingerlaqatigiiffia (UTC-2) atatiinnarneqasassoq kissaatigineqartoq. Soqutigisallit amerlanerussuteqartut – matumani inuussutissarsiuillit kattuffii, assartuussisut, peqqinnissaqarfik kiisalu naalakkersuisoqarfiit qitiusut

ilanngullugit – erseqqissaatigaat, UTC-3-mut uteqqinneq europami suleqatigisanik, matumani EU aamma Danmarki ilanngullugit, piffissaq ataatsikkut suliffiusoq annikillissasoq, taamaalillunilu pisortani aamma namminersortuni nuussinermi aamma ataqatigiissaarinermi aningaasartuutit qaffatsissallugit. AAN-ip nalilerpaa, aaqjissuussaannikkut ajoqutit taakkua siammasissumik equissasut, Nordamerikamulli piffissaq ataatsikkut suliffiusup annertusineratigut iluaqutaasinnaasut killeqarnerullutillu immikkoortortanut aalajangersimanerusut.

AAN-ip aamma pingaartutut isigaa, 2023-mi allannguinermilli UTC-2-miinnermi misilittakkat pingaarnertut pitsaarpasimmata, pingaartumik inuussutissarsiutillit Europami suleqateqarnerinut kiisalu takornarialerinerup aamma assartuussinerup ilaani. Taamaalilluni UTC-3-mut uteqqikkaanni iluanaarutaareersut annaaneqaratarsinnaapput, ilutigisaanillu atortuulersitsinermi inuiaqatigiit nutaanik aningaasartuuteqartillugit, matumani IT-systeminik naleqqussaanerit, sullississutinik nutarterinerit, isumaqatigiissutit, ingerlatsinermilu pilersaarutit ilanngullugit. Ataatsimut isigalugu aningaasaqarnikkut siunnerfinngortussatut ilimanarnerpaasoq pitsaassanngitsaq nalilerneqarpoq. Uani nunap karsianut aamma ataatsimut isigalugu inuiaqatigiit aningaasaqarnerinut.

AIS2027-mut atatillugu AAN-ip nalilerpaa, UTC-3-mut ikaarsaarneq aningaasartuuteqarfiussanngitsutut isigineqarsinnaanngitsaq. Killuanik 2027-mi ataasiartumik aningaasartuuteqarnissaq kiisalu isertitat ataavartumik appassasut naatsorsuutigineqartariaqarpoq. Tamanna tunuliaqutaralugu AAN-ip nalilerpaa, ataatsimut isigalugu UTC-2-miiginnaraanni tamanna innuttaasunut, inuussutissarsiortunut, pisortanullu aningaasartuutikinnerpaasitsissasoq, aalajaannerusassoq, siumullu nalunangereernerusassoq.

Ukiumi atortuulersinneqarfiani Nunap karsianit (AIS2027) ataasiartumik aningaasartuutissat 10–15 mio. koruuninut missiliorneqarput. Taassuma saniatigut isertitat annikinnerusumik apparnerisigut (4 mio. koruunit missaannik) kiisalu Namminersorlutik Oqartussat ingerlatseqatigiiffiutaannit, pingaartumik Air Greenlandimit pissarsianit akiliinerit ikileratarsinnaanerisigut, missingersuutinut ataavartumik ukiumut 15-20 mio. koruunit missaannik sunnuteqarnerlussaaq.

Tusarniaanermi akissutigineqartut, aningaasatigut kingunissaattut taakkartorneqartut malillugit inuiaqatigiit aningaasaqarnerinut ukiumut 80–100 mio. koruuninik sunnuteqarnerlussaaq, pingaartumik silaannakkut angallanneq, takornarialerineq, europamilu suleqatigisanik ataqatigiissaarinerup annikillineranut atatillugu.

Soqutigisallit oqaaseqaataat, illullu iluani naliliinerit aallaavigalugit aningaasat sulineri qeqqatigut missiliuutaapput. Soqutigisalinnit paasissutissat takuneqarsinnaasut, immikkoortortat akissutaat kiisalu illup iluani naliliinerit aallaavigalugit aningaasat sulineri qeqqatigut missiliuutaapput. Kingunissaanut imatut najoqqutassiortoqanngilaq imaluunniit oqimaaqatigiissitsineq pillugu naatsorsuusiortoqarani.

Tamanna pillugu missiliuinerit missiliuinerit isigineqassapput. Sunniutit qaffasissusaannut, qanorlu siviutigisumik sunniutaassanersut annertuumik nalorninarpoq.

Inussiarnersumik inuulluaqqusillunga

Aningaasaqarnermut Akileraartarnermullu Naalakkersuisoqarfik

Ilanngussaq 1b. Soqutigisaqartut akissutaanni pingaarnertut oqariartuutit, aningaasatigullu siunnerfik

Soqutisaqart oq / nassitsisoq	Akissummi pingaarnertut oqariartuut	Aningaasatigut siunnerfik	Uppernarsakkamik kingunissaa (naatsumik)
Air Greenland + Greenland Airports	Unamillernartoq ilaani nassuiaatigaa: aallarnerit ikinnerusut, bilitsit akisunerusut, timmisartukkut nassiussineq/avammut tunisineq eqqorneqaratarsinnaasut.	Aningaasartuutit annertuumik qaffassapput	Timmisartut aallartartut ikileratarsinnaapput, bilitsillu akisunerit kiisalu nassiussanik sivisuumik uningatatassaangitsunik avammut nioqqutissaraluanik annaasaqarneq.
Visit Greenland / takornarialerisut	Pissutsitoqqanut uternermi atorunnaarsinnaasunik, UTC-2-mik pitsaasunik misilittagaqarpoq.	Aningaasartuutit qaffassapput / iluanarutissat annaaneqassapput	UTC-2-miinnermi takornarialerinermit aningaasatigut pitsaaqutaasut, pitsaaqutaajunnaarat arsinnaapput.
Aningaaserivik	UTC-2-p atatiinnarneqarnissaa kissaatigineqarpoq	Aningaasartuutit qaffassapput / iluanarutissat annaaneqassapput	Aningaaseriviit ataatsikkut ammanerat sivikineq, pisariunerulerneq
Peqqinnissaqarfik (Naalakkersuisoqarfik + PPK)	DK/EU-mi napparsimmaviit, laboratoriallu suleqatigalugit napparsimasunik nakorsaanermut ernumaneq.	Aningaasartuutit qaffassapput	Piffassatigut ungasinnerulerneq ataqatigiissarinermit annaasaqaataaffiussaaq, suleqatigiinnerlu ajornarlerulerluni.
Inerniliineq	Allannguneq aningaasatigut kingunerluuteqassangatinneqarpoq.	UTC-2 atatiinnarneqaruni aningaasartuutikinnerpaasitsissaaq	Allannguneq aningaasatigut kingunerluuteqartitsissaaq.

Pingaarnertut siunnerfik:

Soqutigisallit amerlanerpaartaat oqaatigaat, UTC-2-mit UTC-3-mut uterluni allannguneq aningaasartuuteqarfiussasoq, massakkullu iluanaarutaareersut annaaneqarnerinik kinguneqassasoq, pingaartumik silaannakkut angallannermut, takornarialerinermut, europamillu suleqateqarnermut.

Ilanngussaq 1b. 2027-mit UTC-3-mut ikaarsaarsinnaanermi aningaasatigut kingunissai

1. Aallaqqaasiut

Massakkut nalunaaquttap ingerlaqatigiiffigisaanit (UTC-2-mit) UTC-3-mut 2027-mit atuutilersumik nuuttoqassagalarpat, naatsorsuutigisamik aningaasatigut kingunissai ilanngussap matumap nassuiarpaa.

Naatsorsuineq tulliuuttunut agguataarneqarpoq:

1. Nunap karsianut aningaasatigut kingunissai (AIS isigalugu)
2. Inuiaqatigiit aningaasaqarnerinut kingunissai (immikkoortorta qamma naalagaaffimmi tunisat ataatsimut nalingat (BNP) siammasissumik isigalugit)

Soqutigisallit oqaaseqaataat, ilullu iluani naliliinerit aallaavigalugit aningaasat sulineri qeqqatigut missiliuutaapput.

2. Nunap karsianut (AIS-mut) aningaasatigut kingunissai

2.1 2027-mi ataasiartumik aningaasartuutit

Suna	Suliassartaa	Missiliuut (mio. koruunit)
IT-mik naleqqussaanerit, systeminillu ataqatigiissaarineq	Pisortat systemiini, ataqatigiissaakkani, pigaartussanut pilersaarutini il.il. piffissaliussanik nutarterineq.	10,0
Ikaarsaarneq – qitiusumik allaffeqarfik	Sulineri piffissanik, sullississutinik, illullu iluani ingerlatanik iluarsineq	1,0
Ikaarsaarneq – peqqinnissaqarfik	DK-EU-mi napparsimmavinnik, laboratorianillu ataqatigiissaarineq	0,5
Teknikkikkut sillimmatit	Atortuulersitsinissami, ilanngussinermilu naatsorsuutiginngisamik aningaasartuutit	3,0
Ataasiartumik aningaasartuutissat tamarmiusut (2027)	10-18 mio. koruunit, qeqqanut missiliorlugit:	14,5

Nassuiaat: Aningaasat akunnaalliligaapput, missiliuussillunilu naliliinermik aallaaveqarlutik. Aningaasat akuttussusaat, qanoq annertutigisumik nalomissuteqarnermik takutitsipput. Qeqqanut missiliuussineq missingersuutinut pituttuisumik kisitsisaanngillat.

2.2 2027-mit siunissamilu ataavartumik isertitatigut sunniutissat

Suna	Sunniutaa	Missiliuut (ukiumut mio. koruunit)
Iluanaarutininik annaasat (akileraarutit, akitsuutillu)	BNP-mut sunniutissaa. -0,05 %-it missaat	4,0
Pissarsianit akiliinernit sunniutaaratarsinnaasut	Sinneqartoorutikinneruneq, pingaartumik silaannakkut angallassinermi	15,0

Suna	Sunniutaa	Missiliuut (ukiumut mio. koruunit)
(namminersorlutik oqartussat ingerlatseqatigiiffiutai)		
Ukiumut sunniutaanerluttussaq	14-24 mio. koruunit, qeqqanut missiliorlugit:	19,0

Nassuiaat: Aningaasat akunnaalliligaapput, missiliuussillunilu naliliinermik aallaaveqarlutik. Aningaasat akuttussusaat, qanoq annertutigisumik nalomissuteqamermik takutitsipput. Qeqqanut missiliuussineq missingersuutitut pituttuisumik kisitsisaanngillat. Qaffasissusaanut sunniutissaatut missiliuussaq eqqaassanngikkaanni, ingerlatat qaffasissusaata allanngunnginnissaa tunngavigalugu iluanaarutit aamma pissarsianit akiliinerit naatsorsomeqarput. Pissutsit allannguutai, periusissiatigullu naleqqussaanerit aappanit, aappaanut inemerinut sunniuteqarsinnaapput.

2.3 Aningaasanut inatsisitigut ataatsimut sunniutissai

Ukioq	Ataasiartumik aningaasartuutit	Isertitanut ukiumut sunniut	Sunniutissaa ataatsimut isigalugu
2027	14,5	19,0	33,5
2028 →	0	19,0	Ukiumut 19,0

Nassuiaat: Taamaalilluni missingersuutitigut sunniutissaatut eqaatsumik ilmagisamik, naatsorsuineq ersersitsivoq. Siuliani naatsorsuinerit aningaasanut inatsisini aningaasaliissutini aalajangersimasuni imaaliallaannaq atugassiissutigineqarsinnaangimmata, missingersuutini aningaasaqarnermi toqqaannartumik naatsorsuineq pineqanngilaq.

Taamaalilluni allanngineq Nunap karsianut aningasartuuteqannginnermik kinguneqassanngitsoq nalilerneqarpoq.

3. Inuiaqatigiit aningaasaqarnerinut sunniutissat

3.1 Immikkoortortanut ukiumut sunniutissat

Ingerlatsisoq / immikkoortortaq	Pingaarnertut suliaassartaa	Missiliuut (ukiumut mio. koruunit)
Air Greenland	Angallavinnik pitsanngorsaaneq, inuttat pillugit pilersaarusionerq, DK/EU-mut attaveqaatit	35–50
Greenland Airports	Angallannerup annertussusaa, assartuusseriaaseq	5–10
Namminersorlutik inuussutissarsiutillit	DK/EU-mik piffissap ataatsikkut suliffiusup annikillinera	10–20
Aningaasaqarnermut immikkoortortaq	Aningaaserivikkut isumaqatigiissutinut, akiliinissamullu periarfissaat	3–5
Takornialerineq (nunami)	Inniminniinerit, attaveqaatillu	3–5
Peqqinnissaqarfik	DK/EU-mik ataqatigiissaarinissamut equsoorneq	3–5
Umiarsuit takornariartaatit	Pitsaasumik sunniutaata annikinnerusinnaanera	(-2) 0-imut
Immikkoortortanut ukiumut sunniutissai tamarmiusut (qeqqanut nalilerlugu)	60-120 mio. koruunit, annikillillugu uunga:	80–100

Nassuiaat: Immikkoortortani aningaasartat tamakkiisumik ilaneqanngillat. Immikkoortortat akomanni sunniivigeqatigiittoqarsinnaavoq. Annertuussusissatut tamarmiusumik nalillineq, akuttussutsip takutippaa.

3.2 Makroøkonomiskimut sunniutit

Suna	Missiliuut
BNP-mut sunniutissaa	-0,05 %-it missaat
Assigiinnarpaa	-11,5 mio. koruunit missaat.

Nassuiaat: Immikkoortortanik naliliineq aallaavigalugu BNP-mut sunniutissaa naatsorsorneqarpoq. Immikkut najoqqutatut naatsorsuinertut takussutissiingilaq, immikkoortortanullu sunniutinut ataatsimoortinneqarsinnaanani.

BNP-mut sunniutissaa immikkoortortani naliliinermi toqqaannanngitsumik ilaavoq, immikkoortortallu inernerat eqqarsaatigalugu ilanngunneqarsinnaanani.

4. Ataatsimut naliliineq

2027-mit UTC-3-mut ikaarsaarsinnaaneq tulliuuttunik kinguneqassanganneqarpoq:

- Nunap karsianit 2027-mi ataasiartumik 14,5 mio. koruunit missaannik aningaasartuuteqarneq.
- Aningaasanut inatsimmut 19 mio. koruunit missaannik ukiumut ataavartumik sunniuteqarnerlunneq
- Inuiaqatigiit aningaasaqarnerinut ukiumut 80–100 mio. koruuninik sunniuteqarnerlunneq

Missiliuinerit periutsitigut, kisitsisitigullu paasissutissanik nalorninermik atassuteqarpoq. Tamanna pillugu aningaasartai eqqortut isiginiarnagit pingaarnertut siunnerfik pingaartinneqartariaqarpoq.

Taamaalilluni aningaasaqarnermut politikki, inuiaqatigiillu aningaasaqarnerat isigalugu aningaasaqarnikkut siunnerfissatut ilimanarnerpaasoq ataatsimut isigalugu pitsaassanngitsoq nalilerneqarpoq.